



# **Universitätsbibliothek Paderborn**

**Formularium Episcopale**

**Barbosa, Agostinho**

**Coloniae Agrippinae, 1680**

65. Extensio Constitutionis Greg. XIII. ne Scholasticorum, &  
Commissariorum crima possent cognosci, nisi à Nuntiis, & Collectoribus  
Apost. in Regno Neopolitano, ad excessus & crima patrata in ...

**urn:nbn:de:hbz:466:1-10456**

Iendo jure quæsito ; statutis quoque etiam juralis , & consuetudinibus, etiam diuturnis & immemoriabilibus elearum præfatarum , & cuiuslibet earum, & licentij, aliàs, quam, ut præfertur impetratis, ac privilegijs & indulxit etiam Apostolicis, eisdem Ecclesijs, earumque Præsulibus quomodo liber, & ex quacunque causa hic forsan de necessitate exprimenda, concessis, stiam Motu, scientia, & potestatis plenitudine paribus, etiam confistorialiter, ac aliàs quomodolibet emanatis, ac quocunque juramento per eosdem Ecclesijs hujusmodi præfectos, sub quovis prætextu, vel causa præstito, & præstanto; quod fuisse, & fore nullum ac irritum, & minimè obstare, neminiisque suffragari, quominus ab integra observatione præsentium in aliquo excusari possit, declaramus, & quatenus opus sit, decernimus, nec non omnibus & singulis, quæ prædecessores nostri præfati in suis litteris, & decretis præfatis voluerunt, non obstare. Quibus omnibus & singulis eorum omnium & singulorum tenores præsentibus pro plenè & sufficienter expressis, & insertis habentes, ad effectum præsentium plenissimè, specialiter & expressè derogamus; cæterisque contrarijs quibuscumque. Volumus autem quod iij qui duabus, vel pluribus Ecclesijs præfatis ex eorum unione, vel aliàs ex concessione, seu dispensatione Apost. quocumque nomine vel titulo præfecti sunt, vel pro tempore erunt, à residentia, & pœnis hujusmodi excusentur, dum-

modo in earum altera, in qua de jure residere debent, verè, & personaliter resideant, exceptis tamen, ut præfertur, Ecclesijs Episcopilibus, Urbi proximis, quibus Cardinales in ordine priores præesse solent: residentia enim, si quæ apud præfatas Ecclesijs titulorum Cardinalium fieret, aliquam excusationem eisdem Cardinalibus, ut præfertur, non præstaret, quominus ipsi in alia, vel alijs Ecclesijs præfatis, quibus eos etiam pro tempore præfici contigerit, residere omnino teneantur. Quodque ut præsentes, & in eis contenta quæcunque ad omnium notitiam amplius educantur, & ne aliquis de eis ignorantiam prætendere possit, eadem præsentes per aliquem, seu aliquos ex cursoribus nostris, ut præfertur, in valvis Basilicæ Sancti Petri, & in Aice Campi Floræ assignantur, & publicentur: quæ sic affixæ, & publicatae omnes & singulos, quos concernunt, affiant, & arcent, ut præmittitur, perinde ac si unicuique eorum personaliter intimatæ, & notificatæ fuissent. Datum Romæ apud S. Petrum sub anulo Piscatoris die 12. Decembr. 1634.  
Pont. nostri Anno 12.

---

Extensio Const. Greg. XIII. ne Subcollectorum, & Commisariorum criminis possent cognosci, nisi à Nuntiis & Collectoribus Apost. in Regno Neapolitano, ad excessus & criminis patrata in aliis Regnis & Provinciis, etiam expletis coram officijs.

Kk

LXV

LXV.

Part. 3. alleg. 81.

URBANUS Papa VIII. ad perpetuam  
rei memoriam.

**A**lias rec. mem. Gregorius Papa XIII. prædecessor noster indemnitati Ministrorum Cameræ Apost. re ullis molestiis, vel incommodis fatigantur, opportunè providere cupiens, quod omnes & singulæ causæ, tunc motæ, & pro tempore movendæ quorumvis prætensorum excessuum, criminum & delictorum, per quoscunque Subcollectores, & Commissarios, tam generales, quam particulares, in quibuslibet Provinciis, Civitatibus, & Diœcesibus, Regni Neapolitani, pro tunc & pro tempore existentem Apostolicum, & Collectorem generalem deputatos, commissariorum, & tunc & pro tempore existente Nuntio Apost. in eodem Regno commorante solum, non autem à quibuscvis alijs Judicibus etiam locorum Ordinarijs, non modo durante officio, sed etiam post ipsum dimissum donec viverint, audiri, cognosci, & decedi possent, & deberent, statuit & ordinavit: prædictisque Judicibus & locorum Ordinarijs, ne in aliis se sequovis prætextu, seu quæsito colore intromittere quoquo modo ul latenus auderent, vel præsumerent; districtus inhibuit, pro ut in suis litteris in simili forma Brevis sub Dat. die 4. Januarij 1575. Pontif. sui anno sexto expeditis plenus continetur.

Cumque postea, ut accepimus, fuerit nonnullis pluries dubitatum, an prædictæ litteræ Gregorij prædecessoris prædicti de prætensis excessibus, criminibus, & delictis durante officio dixit taxat, an vero etiam de alijs post finitum eoram officium, ut præmittitur, donec viverent commissis, intelligi deberent, & desuper diversas resolutiones etiam ad invicem contrarias emanasse asseratur. Nos volentes finem huic dubitationi imponere, & attendentes, quod ijdem Subcollectores & Commissarij in concernen tibus servitium Cameræ Apostolicæ timidiores ac negligentiores fierent, si sub prædictorum Judicum & Ordinarij jurisdictione post finitum eorum officium se relictum iti timerent, & propterea justu metu retraherent a gerendo, ut debent, eorum officio, dubitantes, ne illo finito prædicti Judices, & locorum Ordinarij in illos etiam ex causis mendicatis sœvirent; quod non in modicum præjudicium Cameræ & Sedis Apostol. redundaret. Idecè Motu proprio, & ex certa scientia nostro, deque Apost. potestatis plenitudine, hac nostra constitutione perpetuò valitura cognitionem, & divisionem causarum prætensorum excessuum, criminum & delictorum, per prædictos Subcollectores, & commissarios à Nuntijs & Collectoribus Apostolicis tam in Regno Neapolitano, quam in alijs Regnis, & locis, etiam speciali nota dignis, & ubique terratum & locorum, per Nuntios,

sic

sive Collectores Apostolicos hactenus deputatos, & pro tempore deputandos, quomodocunque etiam post finitum officium, commissorum, ut prætenditur, & patratorum spe-  
ctasse & spectare ad Nuntios, & Collectores Apostolicos pro tempore existentes, privativè, quoad quoscunque alios Judices, etiam locorum Ordinarios prædictos, declaramus, & quatenus opus foret decernimus, statuimusque & ordinamus. Ne autem inde major libertas delinquendi eisdem subcollectoribus, & Commissariis nascatur, & ne eorum delicta, si quæ patrata essent, vel patrarentur in posterum impunita remaneant; volumus quod Collectores Cameræ Apost. nunc & pro tempore existentes, interstatuta per eorum subcollectores, & Commissarios observanda, tanquam ab ipsis Collectoribus jam edita, etiam impressa, addant comminatio-  
ne de eisdem subcollectores, & Commissarios privando hujusmodi privilegio, & illos Ordinarij jurisdictioni submittendo, quatenus post dimissum officium ab excessibus, & delictis com-  
mittendis non se abstineant, quodque prædicta statuta in Cancellariis Episcoporum & aliorum Ordinario-  
rum retineantur, & stent affixa. De-  
cernentes præsentes litteras, & in eis contenta quæcunque, etiam ex eo, quod quicunque in præmissis interesse habentes, seu habere prætententes, vocati, & auditи non fuerint, aut præ-  
missis non consenserint, seu causæ, pro-

pter quas præsentes emanarint, addu-  
cta, verificata, seu alias justificata non  
fuerint, aut alia quavis de causa de-  
sobreptionis vel obreptionis, seu nulli-  
tatis vitio, aut intentionis nostræ, vel  
alio quovis defectu notari, impugna-  
ri, invalidari, in jus, vel controver-  
siam duci, seu adversus illas restitutio-  
nem in integrum, aperitionem oris aut  
quocunque aliud juris, vel facti, gra-  
tiae, vel justitiae remedium impetrari,  
seu eo imperato quenquam uti, seu se  
juvare in judicio, vel extra nullatenus  
posse; sed eas semper validas, firmas,  
& efficaces existere & fore, sicque per  
quoscunque Judices Ordinarios, & de-  
legatos, etiam causarum Palatii Apost.  
Auditores, ac S.R.E. Cardinales etiam  
delatere Legatos, & Nuntios, sublat-  
eis, & eorum cuilibet quavis aliter judi-  
candi, & interpretandi facultate, &  
auctoritate, judicari, & definiri debe-  
re, ac irritum, & inane, si secus super  
his à quoquam, quavis auctoritate,  
scienter vel ignoranter contigerit at-  
tentari. Non obstante, quatenus opus  
sit, nostra de jure quæsito non tollen-  
do, ac quibusvis aliis Cancellariæ Apost.  
regulis, necnon constitutionibus, & or-  
dinationibus Apost. privilegiis quoque,  
indultis, & litteris Apost. sub quibus-  
cunq; tenoribus, & formis, ac cum qui-  
busvis etiam derogatoriū derogato-  
riis, aliisque efficacioribus, & insolitis  
clausulis, in genere, vel in specie, etiam  
Motu proprio, & cōsistorialiter, ac alias  
quomodolibet in contrariū cōcessis, cō-  
firmatis, & innovatis. Quibus omnibus

Kk 2

etiam

etiam pro illorum sufficienti derogatione, de illis, eorumque totis tenoribus, specialis, specifica, expressa, & individua, ac de verbo ad verbum, non autem per clausulas generales, idem importantes mentio, seu quævis alia expressio habenda, aut aliqua alia exquisita forma de hoc servanda foret, illorum omnium tenores, præsentibus pro sufficienter expressis habentes, illis aliâs in suo robore permanuris, hac vice duntaxat specialiter, & expressè derogamus, cæterisque contrariis quibusunque. Datum Romæ apud S. Mariam Majorem sub annulo Piscatoris die 2. Julij 1636. Pont. nostri anno 13.

---

De non jejunando in vigilia S. Joannis Baptista, quando contingat in die solemnitatis Corporis Christi.

LXVI.

Part. 1. tit. 2. gloss. 5. à n. 8.

URBANUS Papa VIII. ad perpetuam rei memoriam.

**C**um evenire quandoque possit, ut vigilia Sancti Joannis Baptista in diem festum Solemnitatis Sanctissimi Corporis Domini nostri JESU CHRISTI incidat. Nos attendentes diem festum hujusmodi, quo tanti Sacramenti institutio summa totius populi Christiani lætitia colitur; è principiis anni festivitatibus existere, prop-

terea de venerabilium fratrum nostrorum S. R. E. Cardinalium Sacris Ritibus præpositorum consilio deinceps perpetuis futuris temporibus quoties vigiliam prædictam in dictum diem festum solemnitatis Sanctissimi Corporis Domini nostri JESU CHRISTI incidere contigerit, non esse jejunandum, neque à carnis abstinendum in die festo hujusmodi, sed anticipandum jejunium die immediatè antecedenti, nempe feria quarta, prout jejunaretur in ipsa vigilia Apost. auctoritate tenore præsentium statuimus, & ordinamus. In contrarium facientibus non obstantibus quibusunque. Volimus autem, ut præsentium transumptis etiam impressis manu alicuius Notarii publici subscriptis, & sigillo personæ in dignitate Ecclesiastica constitutæ munitis, eadem prorsus fides ubique adhibeatur; quæ ipsis præsentibus adhiberetur, si forent exhibitæ, vel ostensæ. Dat. Romæ apud S. Mariam Majorem, sub annulo Piscatoris die 15. Octob. 1638. Pontif. nostri anno 16. M. A. Maraldus.

---

Regulares ad sacerdotalium Confessiones, seu ad verbum Dei prædicandum fermæ, & simpliciter admissi per Episcopum, quando possint per eum reprobari.

LXVII.